

**KERAJAAN SAYANGKAN KONTRAKTOR TETAPI ANAKTIRIKAN PEKERJA KONTRAK!**

Pada **7/1/16**, Jaringan Pekerja Kontrak Kerajaan berjumpa dengan pihak Bahagian Perolehan, Kementerian Pendidikan Malaysia (KPM) untuk bincang pelbagai masalah yang dihadapi oleh pekerja kontrak di sekolah-sekolah Kerajaan. Setelah dengar semua masalah ini, KPM nasihatkan kami untuk buat aduan di Jabatan Tenaga Kerja (JTK).



*Adakah ini selesai masalah?????*

**TIDAK! Apabila pekerja kontrak berani buat aduan, masalah berlipat ganda....**

**1. Majikan mangsakan pekerja**

Majikan tak bayar gaji minima. Lepas saya buat aduan di JTK, majikan pindah saya dari Klang ke Kelantan



**2. Lepas penyelesaian di JTK, majikan mengulangi kesalahan yang sama.**



eh, gaji lewat lagi.. berapa kali nak adu di JTK?

**3. Majikan hilangkan diri lepas dapat perintah mahkamah buruh**

Kami menang kes tapi apa guna? Majikan dah hilang diri! JTK tak dapat cari dia!



**4. Gaji tertunggak yang tidak dituntut oleh majikan dijadikan hasil kerajaan yang tidak boleh dituntut oleh pekerja**



KPM tak bayar gaji 5 bulan sebab majikan tak tuntutan. Majikan dah mufis dan KPM sudah tamatkannya.

**5. Wang ganti rugi tidak dikira atas keseluruhan perkhidmatan**

Saya dibuang kerja lepas tanya majikan mengapa tak masuk EPF. Saya kerja 10 tahun tapi dapat ganti rugi RM500 saja sebab kerja dengan kontraktor baru untuk 3 bulan saja

Lepas itu, pada **15/9/2016** satu lagi dialog diadakan bersama KPM untuk bincang masalah yang berterusan....



*S/U Bahagian Perolehan & Pengurusan Aset, KPM janji:*

\* Saya akan lawat ke negeri-negeri untuk dapat tahu keadaan pekerja kontrak sekolah.

\* Beberapa aspek sistem kontrak tidak adil; saya akan bertindak untuk tukar keadaan yang buruk ini.

**TETAPI KPM DIAM DIRI & PEKERJA KONTRAK TERUS MENDERITA**

Banyak kontraktor tindas pekerja dan langgar undang-undang kerja. Mereka tidak peduli akan arahan JTK. Perjanjian KPM dengan kontraktor tidak lindungi pekerja. Mengapa pekerja harus jadi mangsa?

## KITA PERLUKAN TINDAKAN MENTERI!

Ada berpuluh ribu pekerja kontrak – pembersihan dan pengawal keselamatan di 10, 000 lebih sekolah kerajaan di seluruh negara kita. Semua pekerja ini tergolong dalam kumpulan B20 iaitu kumpulan termiskin. Termiskin sebab sistem kontrak. Menjadi lebih miskin sebab diperas oleh kontraktor.



**MISKIN SEBAB SISTEM KONTRAK – JADI LEBIH MISKIN SEBAB DIPERAS KONTRAKTOR**



**KPM TIDAK HARUS CUCI TANGAN!**

- **KPM HARUS TANGGUNGJAWAB PENUH!**

Selagi sistem kontrak wujud KPM harus bertanggungjawab penuh keatas pekerja di semua premisnya. KPM harus memantau dan bertindak untuk memastikan hak dan kebajikan pekerja kontrak dilindungi. KPM tidak harus mencuci tangan dari tanggungjawabnya dengan merujuk aduan pekerja kepada Jabatan Tenaga Kerja.



- **KAJI BALIK SISTEM KONTRAK!**

KPM harus mengkaji balik sistem kontrak sebab kerja-kerja pembersihan, kebun dan keselamatan adalah kerja tetap yang perlu dibuat sepanjang masa sesebuah sekolah berfungsi. Sistem kontrak harus dipakai hanya untuk kerja sementara.

- **JELASKAN SEMUA TUNGGAKAN GAJI YANG TIDAK DITUNTUT OLEH KONTRAKTOR!**

KPM harus memainkan peranan yang lebih proaktif dengan menyelesaikan dengan segera masalah tunggakan gaji yang belum dibayar, tunggakan gaji minima 2013 dan 2014

- **TAMATKAN KONTRAKTOR YANG MENINDAS PEKERJA!**

KPM harus menamatkan kontrak syarikat-syarikat yang menipu dan menindas pekerja kontrak dengan tidak bayar gaji, tipu OT dan tidak buat caruman kepada KWSP dan PERKESO.

Jaringan Pekerja Kontrak Kerajaan telah menghantar surat 2 kali untuk memohon temujanji dengan Menteri Pendidikan sebelum tamat tahun ini. Kita menunggu jawapan Menteri. Pekerja kontrak diminta menghubungi kami untuk mendapatkan maklumat lanjut tentang perjumpaan ini.

Jaringan Pekerja Kontrak Kerajaan ditubuh untuk saling bantu-membantu dan berjuang bersama-sama untuk hak pekerja kontrak di jabatan kerajaan. Anda dijemput menyertai jaringan ini. Hubungilah kami di